

LETTRE

124

3168

DE MONSIEVR DE
VENDOSME, A LA ROYNE,
sur son entree à Vannes le 15. Iuin
1614.



A PARIS,
Chez PIERRE CHEVALIER, rue S. Jacques, à
l'Image S. Pierre, pres les Mathurins.

M. DC. XIV.

711

LETRE

DE MONSIEUR DE
VERDOMME, A LA ROYNE,
Sur son couteau d'armes.
1614.



M. DE VERDOMME
Chevalier de l'Ordre du Saint-Esprit
Honneur de la Cour du Roy.

LETTRE DE MONSIEVR
de Vendosme, à la Royne, sur son entree
à Vannes le 15. Iuin 1614.

MADAME,

Depuis la depesche portee par le
 fleur de Vimays à vostre Maïesté,
 sur mon entree dans Vannes: Les ha-
 bitans de la ville m'ont donné matie-
 re de faire ceste seconde sur le mesme subject. L'ay
 par diuers rapports esté informé qu'ils en par-
 loient comme d'une action où leur volonté n'e-
 stoit pas interuenue, mais seulement du sieur
 d'Aradon leur Capitaine & gouverneur particu-
 lier, auquel en ceste occurrence, ils disoient auoir
 entierement abandonné le gouvernail de leur
 ville, que pour le iustifier ils auoient tiré vn acte
 sous son sing, & d'ailleurs encores dressé procez
 verbal des moyens qu'il auoit tenus pour mettre
 par deuers luy, & faciliter mon entree contre
 leur intention, encore que pour leur descharge
 ils auoient enuoyé le tout au Parlement de Ren-
 nes, pour en aduertir vostre Majesté. En cela,
 Madame, il va du leur, de celuy du sieur d'Ara-
 don, & du mien, nous auons tous ce commun in-
 terest de faire paroître qu'aucun de nous n'est
 coupable: mais les moyens de le monstrier sont
 separez & diuers. Les habitans disent que par let-
 tre de vostre Majesté à leur communauté, il leur
 estoit deffendu de me donner entree en leur ville

iusques à ce qu'elle en eust autrement ordonné
 que le Parlement de la Prouince leur a fait sem-
 blables deffenses par plusieurs arrests, que ces
 deux suspensions de mon entree n'estant pas en-
 cores leuees lors que i'ay fait demander passage
 par leur ville pour aller à Blauet, ils ont eu raison
 de s'opposer à ma demande, d'autant qu'ils de-
 uoient la premiere obeyssance à vostre Majesté,
 & la seconde au Parlement auctorisé d'elle,
 & que le seul moyen qui leur est resté pour faire
 paroistre qu'ils ne sont point sortis de leur de-
 uoir, ç'a esté d'enuoyer au Parlement les actes
 qu'ils ont estimez propres pour iustifier que le
 sieur d'Aradon seul a fauorisé mō entree. Le sieur
 d'Aradon dit qu'il a rendu raison de son faict par
 lettre escrite à vostre Majesté, depuis que ie suis
 en ceste ville. Et pour ma descharge, Mada-
 me, ie supplie tres-humblement vostre Majesté,
 de se ressouuenir des raisons de la depesche du
 sieur de Vimays, & adjouste qu'ayant offert par
 ma declaration donnee sous mon seing à Mon-
 sieur le Marquis de Coeuures d'obeyr aux arti-
 cles accordez à sainte Menchoud, qu'il m'auoit
 apportez de vostre part, i'ay estimé auoir eu des-
 lors droit de iouyr du bienfaict de mon resta-
 blissement en ma charge, en laquelle la bonté de
 vostre Majesté me remettoit en cas d'obeyssan-
 ce, & par consequent d'entrer aux villes de mon
 gouuernement. Que nonobstant les arrests du
 Parlement publiez à Vannes, i'ay esté bien fon-
 dé à y demander l'entree au sieur d'Aradon, &
 luy à me la donner, d'autant que sa charge ne
 prend attache que de moy, & n'a aucun serment
 au Parlement : Mais seulement à Monsieur le

Chancelier. Qu'estât le quatorziesme de ce mois pres de Vannes sur le chemin de Blauet, on m'en-
 uoya des deputez, qui m'offrirent au nom des ha-
 bitans l'entree de la ville, laquelle ie differay ius-
 ques au quinziesme, pour n'accepter pas vn offre
 de sang chaud, & leur donner loisir de s'en repen-
 tir & desdire s'ils l'eussent voulu; encôres que ie
 n'ignorasse pas qu'il faut prendre les peuples au
 mot. Que le lendemain les mesmes deputez au
 mesme nom retournerent à moy avec offre sem-
 blable, & furent mes guides pour me conduire
 en leur ville, où i'entray avec les habitans qui
 estoient en armes. Qu'estât descendu à l'Eglise le
 Clergé me receut avec les ceremonies accoustu-
 mees enuers les gouuerneurs, & depuis me rendit
 la biē-venue iusques en ma maison. Et qu'un peu
 apres la compagnie du siege Presidial, & le corps
 de ville en vserēt de mesme. De sorte qu'ainsi ap-
 pellé par deux diuers iours, & puis bien reçu de
 tous, ie croy que mon entree du costé des habi-
 tans porte toutes les marques d'une droicte in-
 tention au seruice de vostre Majesté, & vne fran-
 che volonté & d'amour enuers moy. Iusques à ce
 poinct, Madame, n'y ayant rien à redire au faict
 des habitans, du sieur d'Aradon, ny de moy. Ie
 supplie tres-humblement vostre Majesté d'en-
 tendre la façon dont i'ay vescu icy. I'ay trouué la
 ville en la garde des habitans, ie l'y ay laissée, &
 n'ay point apprehendé de mettre ma personne
 en leur puissance, n'ayant aupres de moy que mes
 gardes, & quelque noblesse parmy quinze cens
 hommes qui sont sur leurs armes, i'ay sceu qu'ils
 estoient en doubte de mon intention sur l'obser-
 uation des articles de sainte Menehoud, i'ay

conuoqué les plus apparens d'entre eux, de tous les ordres, & leur ay publiquement déclaré ma submission entiere à toutes les volontez de vostre Majesté, particulièrement sur l'exécution des articles, leur annonçant & faisant sentir la paix en vn mesme temps, d'autant que la déclaration que ie leur ay faicte à la bien prendre, n'a esté autre chose que licentier toutes mes troupes, sur ceste publication on a faict vne procession generale pour remercier Dieu de la paix, ie m'y suis trouué à la teste du peuple, ou pour mieux dire, i'y ay conduict ceux que mon exemple amenoit apres moy, encores que ceste procession se faisant hors la ville, dont par consequent ie sortois avec ma noblesse & mes gardes, ie visse bien qu'il estoit en la puissance des habitans armez de ne m'y laisser pas r'entrer. Encor n'est-ce pas tout : car les habitans assemblez en leur maison commune, ayant resolu vne deputation vers vostre Majesté, pour se purger du blasme qu'ils ont creu que mon entree leur pouuoit apporter, i'ay fait voir ceste depesche à leurs deputez, la soubmettant à leur rapport comme à vne pierre de touche pour l'approuuer ou reprouuer, s'ils l'approuuent, Madame, ou si en se iustificiant il demeurēt d'accord de tout ce que i'ay dict, ie supplie tres-humblement vostre Majesté de prendre mon entree à Vannes pour l'action d'un Gouverneur restably par vostre bonté en son obeyssance. Mon séjour parmy des gens beaucoup plus armez que moy, pour le tesmoignage d'une droicte conscience qui se fie en tous, par ce qu'elle ne veut mal à aucun. Et la déclaration de paix que i'ay faicte sans attendre le

retour de monsieur le Marquis de Cocuures,
pour vne profonde confiance que vostre Maje-
sté me fera ce bien de m'accorder mes tres-hum-
bles supplications, qu'il s'est chargé de luy por-
ter. L'aduantage qui m'en reuiendra sera vostre,
Madame, par l'obligation que j'auray eternelle-
ment à vostre Majesté d'une telle grace qui
m'aura conserué les faueurs du feu Roy, que
j'employeray avec ma propre vie à faire cognoi-
stre & aduouer à tous, mesmes à mes calomnia-
teurs ordinaires & plus capitaux ennemis, que ie
suis veritablement,

M A D A M E,

*Vostre tres-humble, tres-obeyssant, & tres-fidele
seruiteur & subiect, CESAR DE VENDOSME.*

De Vannes ce 18. Iuin 1614.

1. The first of these is the fact that the
 2. second of these is the fact that the
 3. third of these is the fact that the
 4. fourth of these is the fact that the
 5. fifth of these is the fact that the
 6. sixth of these is the fact that the
 7. seventh of these is the fact that the
 8. eighth of these is the fact that the
 9. ninth of these is the fact that the
 10. tenth of these is the fact that the

215 A 14. 25

1870-1871

THE UNIVERSITY OF CHICAGO